

porum suorum molestissime ferens, prout de jure poterat & debebat; Decrevit, statuit & mandavit præfato Capitulo & Capellanis præfatæ Ecclesiæ S. Marci, quod usque ad tres dies proximos a die facti præcepti, debeant deposuisse in manibus Procuratorum Ecclesiæ S. Marci libras quinquaginta parvorum, de quibus ipse D. Dux disponet & faciet sicut sibi videbitur esse justum. Quod si forte fuerint negligentes, nec deposuerint ad terminum pecuniam antedictam; ab ipsa die in antea Procuratores præfati debeant quoslibet proventus, obventiones, oblationes, & quaslibet alias utilitates, quæ perciperentur in Ecclesia S. Marci ex Missis quæ per Mansionarios celebrantur introumitti & recolligi facere usque ad summam librarum quinquaginta parvorum, quas dicti Procuratores tenere debeant, & de ipsis facere & disponere sicut idem D. Dux duxerit ordinandum.

954) Nos Andreas Dandulo &c. vobis NN. VV. Marco Lauredano & Benedicto Delphino Vicesgerenti N. V. Johannis Delphino procuratoris nostri Ecclesiæ S. Marci dicendo mandamus, quod illas libras quinquaginta, quæ per Capellanos nostros & Capitulum Ecclesiæ supradictæ olim fuerant apud vos de nostro mandato depositæ pro condemnatione contra presbyterum Zanninum Boldu dictæ Ecclesiæ Capellanum, quas idem Capellanus de nostro mandato depositavit apud vos, restituerentur dicto presbytero Zannino sine conscientia nostra, eis restitui faciatis de speciali gratia, cum ipsis hoc specialiter suppliciter postulantibus de nostra benignitate superinde duximus faciendum, hujus nostræ eedulæ tenorem in libris vestri Officii, ubi scripta erat